



FUNDACIÓN BASQUE TEAM FUNDAZIOAREN IKUS-ENTZUNEZKO ZERBITZUAK KONTRATATZEKO BALDINTZEN PLEGUA

01/2022 espedientea

1. AURREKARIAK

FUNDACIÓN BASQUE TEAM FUNDAZIOA sektore publikoko fundazioa da. Irabazi asmorik gabeko eta interes orokorra bilatzeko jarduerak egiten ditu. Jardueren helburua nagusia da goi mailako euskal kirola lagundu, sustatu eta bultzatzea.

Bere fundazio-jarduera soziala egiteko, FUNDACIÓN BASQUE TEAM FUNDAZIOAK kirol jarduerari buruzko ikus-entzunezko materialak landu behar ditu, lan horien bidez goi mailako euskal kirolarien irudia sustatu eta hedatzeko. Izaera sozialeko ikus-entzunezko materialak ere landu behar ditu, Fundazioak goi mailako kirolean genero-berdintasuna sustatze aldera egiten duen jarduera hedatzeko, eta enpresa nahiz hezkuntza arloetan goi mailako kirola sustatzeko. Material horiek FUNDACIÓN BASQUE TEAM FUNDAZIOAREN hainbat kanal edo atariren bitartez argitaratu eta hedatu behar dira eta, gainera, aipatu helburua lortzeko dagozkion akordioei eusteko entitateak dituen beste batzuen bitartez.

2. KONTRATAZIO-ORGANOA

Kontratazio-organoa, lizitazioaren aurrekontua aintzat hartuta, Patronatuko idazkariak eta Fundazioko koordinatzaileak osatuko dute. Biek ala biek batera edo era mankomunatuan jokatu dute.

3. ARAUBIDE JURIDIKOA ETA JURISDIKZIO ESKUDUNA

Kontratu hau pribatua da, eta jurisdikzio-ordena zibilak eskumena du betearaztean sor daitezkeen gatazkak ebazteko.

Dena dela, kontratu hau azaroaren 8ko Sektore Publikoaren Kontratuen 9/2017 Legearen (SPKL) III. Liburuko I. Tituluak arautuko du, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora, fundazio publikoa den aldetik, duen izaera juridikoa dela medio, eta egiten dituen kontratuak direla medio. Halaber, lege honen ondoreetarako eta lege horren 3.1.e) eta 3.3.b) artikulua aplikatuz, sektore publikoko fundazioa den aldetik, adjudikatzeko ahalmena du.

Baldintzen Plegu honek kontratu-izaera du eta kontratua gauzatzeko baldintza zehatzak ditu.

4. KONTRATATZEKO GAITASUNA

Kontratu honen adjudikaziorako aukera dute jarduteko gaitasuna duten eta kontratatzeko debekurik ez duten pertsona naturalek edo juridikoek, Espainiakoek edo atzerriarrek. SPKLren 71.1 artikuluan zerrendatuta daude debekuok. Halaber, kaudimen ekonomikoa, finantzarioa, teknikoa edo profesionala izan behar dute. Gainera, eskatzen den gaikuntza enpresariala edo profesionala izan behar dute kontratuaren xede den jarduera edo prestazioa egiteko. Ondore horietarako, kontuan hartuko dira SPKLren I. Liburuko II. Tituluaren II. Kapituluan jasota dauden arauak.



5. KONTRATUAREN XEDEA

Fundación Basque Team Fundazioak ikus-entzunezko zerbitzuak kontratatzea eskatzen du, Fundazioak egiten dituen jarduerak eta goi mailako euskal kirolariek egiten dituzten ekintzak jakinarazi eta zabaltzeko.

Alde horretatik, Eusko Jaurlaritzaren eta Fundación Basque Team Fundazioaren konpromisoak, komunikazioari eta emakumeen eta gizonen arteko berdintasunari dagokienez, eskatzen du, kontratuaren xede diren prestazioak direla eta, komunikazioa genero-ikuspegitik egin behar dela, hau da, hizkuntzaren eta irudien erabilera ez-sexista baten bidez, baita ikuspegi inklusibo eta zabal baten bidez ere, betiere aintzat hartuta desgaitasun funtzionala duten kirolarien berezitasunak.

6. ZERBITZUAREN DESKRIBAPENA

Fundación Basque Team Fundazioaren Komunikazio Sailak aurreikusi du ikus-entzunezko materiala prestatu behar dela Fundazioaren eta haren kirolarien jarduera ezagutarazteko.

Produktu horiek Fundación Basque Team Fundazioaren eskariz eskatuko dira, Fundazioaren Komunikazio Sailaren ikusgaitasun-politikak ezarritako beharren arabera.

Enpresa kontratistak prestasun osoa bermatu behar du edozein ekitaldi edo jardueraren berri emateko eta, Euskal Autonomi Erkidegoaren barruan, albistea izan den lekuetara joateko.

Zerbitzuaren prestazioa honako hauei jarraituz egingo da:

6.1- Entregatu beharreko produktuak:

- 1) Fundación Basque Team Fundazioak antolatutako ekitaldien berri emateari buruzkoak (prentsaurrekoak, harrerak, galak, etab.). Horretarako, informazio-piezak prestatuko ditu, ikus-entzunezko formatuan, kalitate goreneko informazioa osatuko dutenak (informazioen audio korteak, eta errecurso planoak hautatu eta materialak editatu). Lana bukatuko da editatutako ikus-entzunezko materiala Fundazioko komunikazio arduradunari entregatzen zaionean.
- 2) Aurreko puntuan jasotako ekitaldi berezien zuzeneko online streaming bidez egindako emanaldiei buruzkoak.
- 3) Ad hoc ikus-entzunezko edukiak grabatzeari eta editatzeari buruzkoak, gehienez, 3 minutuko iraupenarekin eta, batez beste, bi pieza hilabetean, aurre-emanaldiekin, postekin eta, eskuarki, bekadunen kirol-gaurkotasunarekin, betiere Fundazioaren interesekoak badira. Lana bukatuko da editatutako ikus-entzunezko materiala Fundazioko komunikazio arduradunari entregatzen zaionean.
- 4) Ad hoc ikus-entzunezko edukiak grabatzeari eta editatzeari buruzkoak, gehienez, 3 minutuko iraupenarekin eta, batez beste, pieza bat hilabetean, aurre-emanaldiekin, postekin eta, eskuarki, Basque Team Fundazioak eta



Euskal Federazioek abian jarritako bikaintasun-proiektuetako kirolarien kirol-gaurkotetasunarekin. Lana bukatuko da editatutako ikus-entzunezko materiala Fundazioko komunikazio arduradunari entregatzen zaionean

- 5) Ad hoc ikus-entzunezko edukiak grabatzeari eta editatzeari buruzkoak, gehienez, 3 minutuko iraupenarekin eta, batez beste, bi pieza hilabetean, Baloreetan BAT proiektuari lotutako edukiarekin. Lana bukatuko da editatutako ikus-entzunezko materiala Fundazioko komunikazio arduradunari entregatzen zaionean:
- Genero-berdintasunari eta generoa dela-eta jazarpenaren eta abusuaren aurkako zerbitzuari lotutako piezak. Zerbitzu hori Fundación Basque Team Fundazioak eta Eusko Jaurlaritzaren Jarduera Fisiko eta Kirol Zuzendaritzak abiarazi dute.
 - Euskarari eta Eusko Jaurlaritzaren Kultura eta Hizkuntz Politika Sailaren hizkuntza-politikari lotutako piezak.
 - Hezkuntzaren arloan Fundación Basque Team Fundazioak emandako hitzaldiei eta/edo jardunaldiei buruzkoak.
 - Enpresen arloan Fundación Basque Team Fundazioak emandako hitzaldiei eta/edo jardunaldiei buruzkoak.
 - Fundación Basque Team Fundazioak parte hartzen duen hitzaldi eta ekitaldietarako bideoak.
- 6) Zoom bitartez zuzeneko elkarrizketak edo hitzaldiak (batez beste, hiru urtean) Basque Team-eko kirolariekin, Fundazioaren Youtube eta Facebook kanaletan emateko.

6.1.1- Beste zehaztapen batzuk

- Formatuei eta bateragarritasunari dagokienez, hedabideek eta web euskarri bateragarriek komunikazioan aurrera egiteko eta berrikuntzak sartzeko materialak esportatzeko egiten dituzten aldaketen berri izan behar du enpresak.
- Grabatutako materiala tratatu egingo da gordetzeko, eta aldiro emango zaio Fundación Basque Team Fundazioari. Dena dela, produkzio-etxeak irudi-bitartekoen artxibategia izan behar du eguneroko informazioak osatzeko, eta Fundazioak eskatutako ikus-entzunezko piezak edo azken produktuak dituen zerbitzari bat erabiltzeko aukera izan behar du komunikazio arduradunak.
- Enpresa adjudikaziodunak bermatu behar du bete egiten duela datu pertsonalen segurtasunari buruz indarrean dagoen araudia, Datu Pertsonalak Babesteko eta eskubide digitalak bermatzeko abenduaren 5eko 3/2018 Lege Organikoaren arabera, administrazio kontratugileak lagatako datuak erabiltzeari dagokionez.



6.2- Zerbitzuaren baldintzak:

6.2.1 HD 1080p-n aurkeztuko dira grabazio guztiak eta .mov edo mp4 formatuan, H264 kodeka dutela, eta gutxieneko irudiaren lastertasuna 12 mbps.

6.2.2 Ezinbestekoa da aplikatzea, besteak beste, hurrengo jarraibideak informazioaren tratamenduan:

- Hizkuntzaren eta irudien erabilera ez-sexista eta inklusiboa egingo da kontratua betearazteko erabiliko diren agirietan nahiz materialetan.
- Sexuka bereizitako datuak emango dira kirolariei buruzko albisteetan.
- Lehenago aipatutako lan guztiak ahalik eta berehalakotasun handienez egingo dira dena delako ekitaldia bukatzean, eta kalitate-estandar handiak gordeko dira edukiak aurkeztean eta produkzioaren estetikan.
- Lan guztiak (grabazioa, edizioa, errotulazioa eta lokuzioa, behar izanez gero) bi hizkuntzatan egingo dira, euskaraz eta gaztelaniaz. Bi pieza aurkeztuko dira beti, bata euskaraz eta bestea gaztelaniaz, eta enpresa adjudikaziodunaren kontura izango dira egin daitezkeen itzulpenen kostuak.

6.2.3 Gastuak:

- Enpresa adjudikaziodunaren kontura izango dira bideoak grabatzera eta irudiak hartzera jatorritik edo bizilekutik kanpo desplazatu behar duten pertsonen garraio eta ostatu edo mantenu gastuak, betiere gastuak Euskal Autonomi Erkidegoan badira.
- Kontratuan sartuta ez dauden gastuak honako hauek dira:
 - o Iragarkiak edo grabazio bereziak sortzea, eta aparteko materiala edo edukia behar izatea, hala nola, gidoilariak, teknikari laguntzaileak, audio eta bideo postprodukzioa, etalonajea, aparteko argiztapena, optika bereziak, ad hoc sorkuntza musikalak, etab.
 - o Euskal Autonomi Erkidegotik kanpoko lehiaketen bidaiak eta emanaldiak.
 - o Argazki-saioak.
 - o Aparteko diseinu grafikoak edo grafismo-animazioak.

6.2.4. Fundación Basque Team Fundazioaren Komunikazio Sailak erabakiko du grabazioen ordena eta non grabatuko diren.

Fundación Basque Team Fundazioarenak dira enpresa adjudikaziodunak aurkeztuko duen ikus-entzunezko material guztiaren eskubideak.

Bideoaren gidioa eta edukiak Fundación Basque Team Fundazioaren Komunikazio Sailak adostuko ditu enpresa adjudikaziodunarekin.



6.3- Giza bitartekoak:

Fundación Basque Team Fundazioak urteko egun guztietan eta uneoro eska dezake emanaldiak kubritzea; gutxienez, kamera-operadore bat, muntatzaile bat eta kazetari bat arituko dira. Asteburuetan eta jaiegunetan, gutxienez, kamera-operadore bat eta muntatzaile bat arituko dira.

Enpresa kontratistak kontratuan ageri diren eguneroko eta balizko beharrei egingo die aurre, eta jarduerak koordinatuko ditu, erantzun-denborak ahalik eta arinenak izan daitezzen.

Lanaldiak aldakorak izango dira, Fundación Basque Team Fundazioaren beharretara egokituak, eta bereziki aintzat hartuko dute langile-kopuru nahikoa dagoela oporraldiak eta balizko ordezkapenak betetzeko.

Enpresa kontratistak aldeztu aurretik eta garaiz jakinaraziko du zein izango den langileen antolamendua oporraldietan.

Fundación Basque Team Fundazioari zerbitzua emango dioten enpresa kontratistako langileek, gutxienez, honako profil hauek izan behar dituzte:

- Gutxienez, telebista-kamerako operadore bat, eta Fundación Basque Team Fundazioak eta EITBk erabiltzen dituztenekin bateragarriak diren programetan editatzen dakien pertsona bat (Premier, Final Cut, After Effects; Photoshop).
- Teknikari bat, streaming bidezko emanaldietan eta zuntz bidezko seinaleak bidaltzen esperientzia duena.
- Idazlari-kazetari bat, lehen aipatutako programetan editatzen dakiena, idazketa eta lokuzio teknikak bai euskaraz bai gaztelaniaz ondo menperatzen dituena.
- Lehen aipatutako langile guztiek esperientzia izan behar dute euskal kirol olinpikoari lotutako edukietan.

6.4- Bitarteko materialak:

Enpresa adjudikaziodunak, kontratua betearaztean, gutxienez, honako bitarteko hauek atxiki behar ditu:

- Emanaldiak zuzenean emateko ekipo bat.
- Telebista-kamera bat, euskarri, argiztapen eta audiorako osagarri guztiak dituena.
- Eskuko mikrofonoak eta paparreko hari gabekoak.
- Ordenagailu eramangarriak, irudiak azkar erabiltzeko eduki eta ezaugarri nahikoak dituztenak.
- USB 4G modemak.
- Edizio-programen lizentzia bateragarriak eta bideo- nahiz audio-bihurgailuak Basque



Team-EiTbN erabiltzen diren formatuetara (iTunes, Mpeg streamclip, Visualhub, All2mp3, Compressor, Flas Media Live Encoder).

- Ekipoak eta materiala eramateko ibilgailu aproposak.
- Erabilitako ikus-entzunezko ekipo eta agiri guztiak kalitatekoak izango dira eta Mac Apple ordenagailuekin bateragarriak; gaur egun horietan erabiltzen ditu-eta Fundación Basque Team Fundazioaren Komunikazio Sailak.

7. LIZITAZIO-AURREKONTUA

Lizitazio-aurrekontua, gehienez, eta urte bakoitzerako, hauxe izango da:

Ordainsariak: 24.000 €

BEZ (% 21): 5.040 €

Kopurua hori gehieneko aurrekontua da, eta zifra horretatik gorako eskaintzak kanpoan geratuko dira.

8. KONTRATUAREN IRAUPENA

Zerbitzua bi urtez emango da, kontratua formalizatzen denetik zenbatzen hasita.

Fundación Basque Team Fundazioak eskubidea du kontratua uneoro deuseztatzeko, ados ez badago eskatutako zerbitzuarekin, zerbitzua ez emateagatik adjudikazioa ekarri duten baldintzetan.

9. KONTRATUA ADJUDIKATZEKO PROZEDURA ETA ERA

Kontratu hauek adjudikatzeko, Fundación Basque Team Fundazioak prozedura ireki erraztua abiaraziko du.

10. PROPOSAMENAK AURKEZTEA

Lizitazio honetan parte hartu nahi dutenek, beren eskaintza aurkeztuko dute ondoren adierazten den egoitza-elektronikoan, <https://www.contratacion.euskadi.eus/KPELicitacion>. Bi gutunazal elektronikotan aurkeztuko da proposamena, 2022ko otsailaren 20an 15:00ak baino lehen. Ez dira onartuko paperean aurkeztutako eskaintzak.

11. PROPOSAMENEN FORMA ETA EDUKIA

Eskaintzak aurkeztu dituzten enpresek honako alderdi hauek sartu behar dituzte:

A.- 1. gutun-azala – Proposamen administratiboa eta balio-iritziaren mende dauden irizpideak

Proposamenak honako agiri hauek izan ditu:

1. Jarduteko gaitasuna honako hauekin egiaztatuko da:

A. Jarduteko gaitasuna duela eta kontratatzeko debekurik ez duela adierazten duen erantzukizunpeko adierazpena (9/2017 Legea, azaroaren 8koa, Sektore Publikoko Kontratuena, 71. art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora, II. Eranskina).

B. Lizitaziora aurkeztu nahi duten pertsona juridiko guztiek hurrengo agiriak erantsi behar dituzte titular erreala identifikatzeko (kapitalak zuritzea prebenitzeko apirilaren 28ko 10/2010 Legearen 3. eta 4. art.):

Pertsona fisikoaren edo fisikoen identifikazioa, hain zuzen ere, kapitalaren % 25etik gorako portzentajea, zuzenean edo zeharka, izan edo kontrolatzen dutenak edo pertsona juridiko baten boto-eskubideak dituzten edo kontrolatzen dituztenak, edo beste bitarteko batzuen bidez pertsona juridikoaren kudeaketa, zuzenean edo zeharka, kontrolatzen dutenak. Salbuetsita daude EBko edo hirugarren herrialde baliokideetako merkatu arautu batean kotizatzen duten sozietateak (III. Eranskina).

C. Ordezkaritza egiaztatzeko agiriak: Ordezkatzeko ahalordea duen pertsonak ahalordeen kopia aurkeztu behar du, notario edo administrazio bidez, baita Nortasun Agiriaren kopia ere edo, hala badagokio, horren ordezkoa den agiriaren kopia.

2. Espainiako enpresaburuak

Nortasun juridikoa duten enpresak

Pertsona juridikoak diren enpresaburuaren jarduteko gaitasuna eratze- eta aldatze- eskrituraren bidez, hala badagokio, estatutuen bidez edo sortze-egintzaren bidez egiaztatuko da; betiere, haien jarduera erregulatzeko arauak agiri horietan egon beharko dira jasota. Eta pertsona juridiko horiek pertsona juridikoaren motaren arabera dagokien erregistro publikoan behar bezala erregistratuta egon beharko dira. Edo bestela, Sektore Publikoko Lizitzaileen eta Enpresa Sailkatuen Erregistro Ofizialean edo Euskadiko Autonomi Erkidegoko Lizitzaileen eta Enpresa Sailkatuen Erregistroan, hala badagokie.

Enpresaburu atzerritarrak

Europar Batasuneko enpresak edo Europako Esparru Ekonomikoaren gaineko Akordioa sinatu duten estatuetaoak:

Dena delako prestazioa emateko gaituta daudela egiaztatzen duten enpresak aurkeztu ahal izango dira, haiek ezarrita dauden estatuko legeriaren arabera (9/2017 Legea, azaroaren 8koa, Sektore Publikoko Kontratuena, 67. art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora).

Europar Batasunaz kanpoko enpresak

Europar Batasunekoak ez diren edo Europako Esparru Ekonomikoaren gaineko Akordioa sinatu ez duten estatuetako pertsona fisiko edo juridikoek txosten bidez justifikatu beharko dute atzerriko enpresak jatorri duen estatuak bere aldetik enpresa espainiarren parte-hartzea onartzen duela sektore publikoko enteekiko kontratazioetan, funtsean antzekoa den modu batean. Erregulazio harmonizatuko kontratuetan, Munduko Merkataritza Antolakundearen Kontratazio Publikoari buruzko Akordioa sinatu duten estatuetako enpresek ez dute aurkeztu behar elkarrekikotasunari buruzko txostena.

Halaber, obra-kontratua denean, enpresa horrek Espainian sukurtsal bat izan beharko du, eragiketak egiteko ahalordedunak edo ordezkariak izendatuta, eta sukurtsal hori Merkataritzako Erregistroan inskribaturik egongo da (9/2017 Legea, azaroaren 8koa, Sektore Publikoko Kontratuena, 68. art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora).

Enpresen denbora baterako elkarteak

Enpresa bi edo gehiago denbora baterako elkarturik agertuz gero lizitazio batean, elkarteak osatzen duten enpresaburu bakoitzak bere nortasuna, gaitasuna eta ordezkaritza egiaztatu beharko ditu, eta agiri pribatuan adieraziko dituzte partaideen izenak eta inguruabarrak, bakoitzak zenbateko partaidetza duen eta kontratuaren indarraldian ordezkaritza izango duen pertsona edo entitatea ere (9/2017 Legea, azaroaren 8koa, Sektore Publikoko Kontratuena, 69. art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora).

Pertsona fisikoak

- Identifikatzeko agiriak
- EJZn alta emanda dagoela egiaztatzen duen agiria

3. Kaudimena

3.1) Ekonomikoa, urteko negozio-bolumenak edo kontratuari dagokion eremuko urteko negozio-bolumenak –eratze-daten arabera edo enpresaburuaren jarduerak hasi ziren edo eskaintzak aurkeztu ziren dataren arabera, eskuragarri dauden azken hiru ekitaldietatik ekitaldi onenari dagokionak– lizitazio iragarkian edo prozeduran parte hartzeko gonbidapenean eta kontratuaren baldintza-agirietan eskatutako zenbatekoa –edo, haren faltan, erregelamenduz ezarritakoa– berdindu edo gainditu beharko du. Gainera, eskatzen den urteko gutxieneko negozio-bolumena ez da kontratuaren balio zenbatetsiaren bat eta erdi halako baino handiagoa izango, behar bezala justifikatutako kasuetan izan ezik, nola baitira obren, zerbitzuen edo horniduren izaerari lotutako arrisku bereziekin lotutakoak.

3.2) Teknikoa

Honako baldintza hauek betetzen dituen pertsona fisikoa edo juridikoa:



- Gutxienez, 5 urteko esperientzia profesionala goi mailako euskal kirol olinpikoari lotutako bideo, sustapen-bideo, erreportaje, dokumental edo edozein ikus-entzunezko produkturen produkzioan, grabazioan, edizioan eta postprodukzioan.
- Gutxienez, 5 urteko esperientzia profesionala goi mailako euskal emakumezko kirolari olinpikoei lotutako bideo, sustapen-bideo, erreportaje, dokumental edo edozein ikus-entzunezko produkturen produkzioan, grabazioan, edizioan eta postprodukzioan (kirola eta emakumea).
- Gutxienez, 5 urteko esperientzia profesionala euskal kirolari paralinpikoei lotutako bideo, sustapen-bideo, erreportaje, dokumental edo edozein ikus-entzunezko produkturen produkzioan, grabazioan, edizioan eta postprodukzioan (goi mailako kirol egokitua).
- Gutxienez, 2 urteko esperientzia streaming bidez zuzeneko emanaldiak ematen.
- Materiala gorde eta biltegitatzeko edukiera, segurtasunari buurzko arauak betez.
- Plegu hauen 6.2, 6.3 eta 6.4 puntuetan adierazitakoa egiaztatzeko **beharrezkoa den guztia** (hala bitarteko materialei nola pertsonalei dagokienez).

Baldintzak egiaztatzeko, egindako lan horien ziurtagiriak aurkeztuko dira, enpresako legezko ordezkariak sinatuta.

Ezohiko balioak edo balio itxuragabeak dituen eskaintza kalkulatzeko, urriaren 12ko 1098/2001 Errege Dekretuaren 85. artikuluari jarraituko zaio, Administrazio Publikoaren Kontratuaren Legearen Erregelamendu orokorra onartzen duena, eta era berean, eskaintza nabarmenki baxuegien kasuan, honako honi jarraituko zaio: 9/2017 Legea, azaroaren 8koa, Sektore Publikoko Kontratuena, 149. art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora.

Lizitatuzaileen eta Enpresa Sailkatuen Erregistro Ofizialean edo baliokidea den erregistro autonomikoan inskribatuta egon behar da.

B.- 2. gutun-azala – Balio-iritziaren mendean dauden irizpideak

Proposamenak honako agiri hauek izango ditu:

- Ikus-entzunezko sektorean goi mailako euskal kirol olinpikoan egindako lanak.
- Ikus-entzunezko sektorean emakumezkoen goi mailako euskal kirol olinpikoan egindako lanak.
- Ikus-entzunezko sektorean goi mailako euskal kirol paralinpikoan egindako lanak.
- Azken urtean streaming online bidez zuzenean egindako emanaldiren baten esteka.



Lizitazio elektronikoa <https://www.contratacion.euskadi.eus/KPELicitacion> burutzerakoan sistemak berak eskatzen dituen pausoak jarraituko dira, eta horietan, balio-iritzi mendeko irizpideen proposamen-agiriak aurkezteko karpeta/bandeja azalduko da. Karpeta horren bidez aurkeztuko da proposamena.

Hauek hartuko dira aintzat: irudiaren kalitatea, audioaren kalitatea, lokuzioa eta erabilitako efektu posibleak, balioak helaraztea, edukia, originaltasuna, sormena, etab.

Lanak edo horiek ikusteko esteka elektronikoak aurkeztu ezean, lizitaziotik kanpo geratuko da.

Eskaintza desberdinetako proposamen teknikoan 1. eta 2. gutun-azalak 2022ko otsailaren 21ean irekiko ditu Kontratazio Mahaiak.

C.- 3. gutun-azala.- Balio-iritzi baten mendekoak EZ diren irizpideak

1.-**Eskaintza ekonomikoa**, I. eranskin gisa sartutako ereduari jarraituz, eta BEZ banakatuta.

2.- Esperientzia gehigarria

Egindako berariazko lanen balorazioa, honakoak aipatuta: bezeroa, edukia eta betearazi den urtea:

- a) Goi mailako euskal kirol olinpikoaren eta paralinpikoaren sektoreari lotutako bideoak grabatzen eta editatzen egindako berariazko lanen zerrenda.
- b) Sektore publikoaren esparruan egindako kirolen inguruko ikus-entzunezko lanen zerrenda.

Proposamenen alderdi komunak

- Proposamenak gaztelaniaz edo euskaraz idatziko dira.
- Ez dira onartuko hutsuneak, errakuntzak edo ezabaketak dituzten proposamenak, Fundación Basque Team Fundazioaren ustez, eskaintza aintzat hartzeko funtsezkoa dena ulertzen oztopatzeko moduan badaude.
- Lizitzaile bakoitzak proposamen bakarra aurkeztuko du. Ezingo du bestelakorik aurkeztu beste enpresa batzuekin denbora baterako elkartuta, banaka aurkeztu badu edo batean baino gehiagotan agertu bada. Arau horiek urratzeak hark aurkeztutako proposamen guztiak lizitazioan ez onartzea ekarriko du.

Aurkeztutako agiri guztiak jatorrizkoak izango dira, edo kopia kautotuak.

Notario-agiriak badira, Notarioaren Legeak eta Erregelamenduak legitimazio arloan ezarritakoei jarraituko diete.

Prozesu honetarako Fundazioak Erregistroan jatorrizkoen kopia doi gisa zigilatutako agiriak ere baliozkotzat emango dira.

4. Agiriak ziurtatzea eta kalifikatzea

Kontratazio-Mahaiko idazkariak gutun-azalak jaso eta gero, Kontratazio-Mahaia batzartu egingo da garai eta modu egokian aurkeztutako agiriak aldeztu aurretik kalifikatzeko.

Mahaia, zuzentzekoak diren akatsak edo hutsuneak atzematen baditu aurkeztutako agirietan, ahoz eta idatziz jakinaraziko die interesatuei, eta, gehienez, hiru egun balioduneko epea emango die lizitatzaillei, zuzenketak egin ditzaten. Horrela ez bada, lizitatzailleak kanpo geratuko dira behin betiko.

Akatsak zuzentzea eskatu zaien enpresa lizitatzailleek horretarako erabilitako agiriak Erregistroan aurkeztuko dituzte, ezinbestean.

Ondoren berriz elkartuko da Kontratazio-Mahaia eta dagokion erabakia hartuko du jaso diren zuzenketak direla-eta lizitatzailleak behin betiko onartzeari buruz.

12. KONTRATAZIO-MAHAIA

Honela osatuko da Kontratazio-Mahaia:

Presidentea: Elena Etxebarrieta, Fundazioko Komunikazio arduraduna.

Bokalak: Ainhoa Larrazabal eta Anartz Agirre.

Idazkaria: Maria Pérez, Fundazioko administrazio arduraduna.

13. PROPOSAMEN EKONOMIKOA IREKITZEA

Kontratazio-Mahaia jendaurrean irekiko ditu proposamen ekonomikoen gutun-azalak 2022ko otsailaren 24an, 10:30etan, ondorengo esteka elektronikoaren bidez:

https://www6.euskadi.net/lizitazioa/directo_basqueteam_es.html .

14. PROPOSAMENEN BAREMAZIOA

Honelakoa izango da egindako proposamenen baremazioa:

A) Balio-iritzi baten mendean EZ dauden irizpideak:	55 puntu
A.1) Eskaintza ekonomikoa Eskaintza ekonomikorik onena: gehieneko puntuazioa Eskaintza ekonomikoen balorazioa egiteko, puntuaziorik handiena emango zaio zerbitzu bakoitzean eskaintzarik baxuena aurkeztu duen enpresa lizitatzailari. Eskaintza horri eskaintzarik baxuena deituko diogu. Lortutako puntuak kalkulatzeko, honako formula hau erabiliko da: Gehieneko puntuak (X) bider tarifa bakoitzaren eskaintzarik baxuenaren zatidura lizitatzaillearen eskaintzatik. Formularen emaitza negatiboa bada, 0 puntuko balorazioa emango zaio.	25 puntu
A.2) Esperientzia gehigarria:	30 puntu

<p>Goi mailako euskal kirol olinpikoaren sektoreari lotutako bideoak euskaraz nahiz gaztelaniaz grabatzeko eta editatzeko egindako berariazko lanak: 3 puntu jarduera-urte bakoitzeko (gehienez, 15 puntu)</p> <p>Euskal telebista publikoan emateko kirol arloan egindako ikus-entzunezko lanen zerrenda: 3 puntu esperientzia-urte bakoitzeko (gehienez, 15 puntu)</p>	
<p>B) Balio-iritzi baten mendeko irizpideak:</p> <ul style="list-style-type: none"> - Balioetsi egingo dira goi mailako euskal kirol olinpikoari lotutako ikus-entzunezko lanak: 20 puntu. - Balioetsi egingo dira goi mailako emakumezkoen euskal kirol olinpikoari lotutako ikus-entzunezko lanak: 10 puntu. - Balioetsi egingo dira goi mailako euskal kirol paralinpikoari lotutako ikus-entzunezko lanak: 10 puntu. - Azken urtean streaming online bidez zuzenean egindako emanaldiren baten esteka: 5 puntu. 	45 puntu

15. KONTRATUA ADJUDIKATZEA

Kontratazio-organoak adjudikatuko du kontratua, kontratazio-mahaiak proposatuta. Kontratazio-organoak arrazoitu egin beharko du bere erabakia, mahaiaren proposamenarekin bat ez badator.

Kontratazio Organoak enpresa, pertsona edo erakunde baten eskaintza bat abantailatsuagotzat jotzeko erabakia gehienez ere 7 egun balioduneko epean jakinaraziko dio, jendaurreko bilkuran pleguak irekitzen direnetik zenbatzen hasita, eta, hamar eguneko epean, bere nortasun juridikoari buruzko guztia egiaztatzeko eskatuko dio, baldin eta sektore publikoko kontratisten erregistroan inskribatuta ez badago eta Ogasunarekiko nahiz Gizarte Segurantzarekiko ordainketetan egunean badago, eta, nolahi ere, behin betiko bermea jarri izana egiaztatzea, adjudikazio-zenbatekoaren EHUNEKO BOSTEKOA (% 5) (BEZ kanpo), legez aurreikusitako edozein modutan (abala, gordailua Fundazioaren kontuan...).

Dokumentazio hori jaso ondoren, kontratazio-organoak kontratua adjudikatzeko hartutako erabakia jakinaraziko da, eta gainerako lizitatzaillei ere jakinaraziko zaie, idatziz, posta ziurtatu edo posta elektronikoz bidez.

Sektore Publikoen Kontratuei buruzko azaroaren 8ko 9/2017 Legearen 149.2 artikulua ezarritakoari jarraituz, eta adjudikatzeko hainbat irizpide erabili direla, baldintza-agirietan parametro objektibo batzuk jaso beharko dira eskaintza bat anormala dela jotzeko kasuak identifikatzeko. Bada, kontratazio honen xedearren izaera eta ezaugarriak kontuan hartuta, nabarmenki baxuegiak dira aurkeztu diren eskaintza guztien batezbesteko aritmetikoa baino % 20 baxuagoak direnak, eta altuena kanpo geratuko da.

16. KONTRATUA FORMALIZATZEA



Kontratua formalizatzeko agiria 7 egun balioduneko epean emango da, adjudikazioaren jakinarazpena jaso eta hurrengo egunetik zenbatzen hasita.

Kontratistari egotz dakizkiokeen kausak direla medio, kontratua adierazitako epearen barruan formalizatu ezin bada, Fundación Basque Team Fundazioak kontratua suntsiaraztea erabaki dezake. Aldez aurretik dagokion entzunaldi-izapidea eskainiko zaio interesatuari.

Kontratua pribatua izango da, eta jurisdikzio-ordena zibila eskuduna da kontratua interpretatzean edo aplikatzean sortzen diren gatazkak ebazteko.

17. KONTRATUAREN ARDURADUNA

Kontratazio-organoak Fundazioko koordinatzailea izendatuko du kontratuaren arduradun, eta berari dagokio kontratua betearazten dela gainbegiratzea eta erabakiak hartzea nahiz jarraibideak ematea adostutako prestazioa zuzen ematen dela bermatzeko, betiere dituen ahalmenen baitan.

18. ARAUDI ERREGULATZAILEA

Sinatzen den kontratua pribatua izango da eta honako hauek arautuko dute:

- Plegu honetako klausulak.
- Euskadiko Fundazioen Legeak ezarritakoa.
- 9/2017 Legea, azaroaren 8koa, Sektore Publikoko Kontratuena, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora.

Kontratua, terminoak edozein direla ere, hari erantsitako agiriak, pleguak edo Fundación Basque Team Fundazioak adostutakoa betearazteko emandako era guztietako arauak ez ezagutzeak ez du salbuetsiko enpresaburua kontratua betetzeko betebeharretik.

Jurisdikzio-ordena zibila izango da ebazteko eskuduna aldean artean sortzen diren gatazkak, botere adjudikatzailetzat hartzen diren erakundeen kontratu pribatuen ondoreei eta azkentzeari buruzkoak. Halaber, jurisdikzio-ordena zibil hau eskuduna izango da kontratu pribatuak prestatu eta adjudikatzeari eragiten dieten auzi lizkartsuen berri izateko. (9/2017 Legea, azaroaren 8koa, Sektore Publikoko Kontratuena, 27.2 art., Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora).

19. ORDAINKETA-ARAUBIDEA

Ordainketa hileroko egingo da, adjudikaziodunak faktura aurkeztu ondoren. Egindako ekintzak zehaztuko dira bertan.

Adjudikaziodunak eskubidea izango du hitzartutako prezioa jasotzeko, kontratuan ezarritako baldintzetan, benetan egindako eta Fundazioak formalki jasotako lanak emateagatik.



20. AZPIKONTRATAZIOA

Kontratu honen xede diren jarduerak zuzenean egingo ditu enpresa adjudikaziodunak. Salbuespenez, Fundación Basque Team Fundazioak baimena eman dezake adjudikazioduna ez den enpresa batek kontratuaren xedeari lotutako langileak edo lanak azpikontratatzeko, SPKLren 215. eta 2016. artikuluei jarraituz. Berariaz onartu beharko da. Ezinbesteko baldintza da enpresa azpikontratatistak egunean izatea zerga-betebeharrak eta Gizarte Segurantzarekikoak.

Azpikontratutako enpresak arlo guztietan duen jokaeraren erantzulea enpresa adjudikazioduna da Fundación Basque Team Fundazioaren aurrean: zerbitzuaren kalitatea, entregatzeko epea, bukatzeko epea, datuak erabiltzeari eta informazioari buruzko obligazioak, eta azpikontratutako enpresak gizarte- nahiz zerga-obligazioak betetzea.

21. EGINDAKO LANEN JABETZA

Atal guztietan egiten diren lanak Fundación Basque Team Fundazioarenak dira.

Adjudikaziodunak ezingo du berarentzat erabili edo hirugarrenei eman kontratatutako lanen daturik, ezta lanen edukia argitaratu ere, osorik edo partzialki, Fundación Basque Team Fundazioaren baimen idatzirik gabe. Edonola ere, adjudikazioduna izango da obligazio hau ez betetzearen ondorioz sor litezkeen kalte-ordainen erantzulea.

22. KLAUSULA BEREZIAK

Exekuzio baldintza berezia izango da enpresa esleipendunarentzat, lana burutzeko tresneriaren eta ondasun konstrumigarrien ingurumen kalitatea bermatzea. Eta baldintza berezien betetzea bermatzeko, erantzukizun adierazpena aurkeztuko du enpresa esleipendunak, aitortuaz, zerbitzua exekutatzekoan erabiliko den tresneriak eta ondasun kontsumigarriek ingurumen kalitatearen gaineko araudia betetzen dutela.

23. KONTRATUA SUNTSIARAZTEA

SPKLren 319.artikuluaren arabera, Administrazio publikoen kategoriakoak ez diren botere adjudikatzailleekin egindako kontratuen ondoreak eta ezeztatzea zuzenbide pribatuko arauak gidatuko dituzte; SPKLren 211. eta 313. artikuluetan ezarritako kontratua suntsiarazteko arrazoien kalterik gabe.

24. LANEN HASIERA

Lanak hasteko data ofiziala kontratua sinatzen den hurrengo eguna izango da.



I. ERANSKINA

PROPOSAMEN EKONOMIKOA

.....jn./and., adinez nagusia,
.....n bizi dena, eta NAN zk....., bere izenean edo
..... enpresa ordezkatzuz, helbide soziala
....., eta IFK zk., lehiaketa honetan parte
hartzen duen honek:

“FUNDACIÓN BASQUE TEAM FUNDAZIOAREN IKUS-ENTZUNEZKO ZERBITZUAK
KONTRATATZEA”

Fundación Basque Team Fundazioak deialdia eginda, honakoa adierazten du:

Konpromisoa hartzen du lehiaketako prestazioa emateko, eskatutako baldintzak betez,
honako prezio honetan:

Zerbitzu-saria.....€
BEZ % 21€
Guztira€

.....-n,-(e)ko,-aren-(e)(a)n

Sin.:



II. ERANSKINA

ERANTZUKIZUNPEKO ADIERAZPENA

..... jn./and., NAN zk.,ren izenean, IFK zk., helbide soziala, den aldetik, interesatuta dagoela Fundación Basque Team Fundazioak deitutako adjudikazio prozeduran.

Honako honen bidez ERANTZUKIZUNPEKO ADIERAZPENA egiten dut azaroaren 8ko Sektore Publikoko Kontratuaren 9/2017 Legearen, 140.1 c) artikulua ondoz ondo (Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentzeraren transposizioa egiten duena Espainiako ordenamendu juridikora):

- Ni ordezkatzeko nauen ez duela sektore publikoarekin kontratuak egiteko debekurik, SPKLren 71.1 artikuluan ezarritakoarekin bat.
- Egunean ditudala zerga-betebeharrak eta Gizarte Segurantzarekikoak, indarrean dauden xedapenek hala ezarrita. Konpromisoa hartzen dut betekizun horren ziurtagiria aurkezteko kontratua formalizatu aurretik, kontratazioa arautzen duten Baldintza Orokorren Pleguarekin bat, nire ordezkaria esleipendun izanez gero.
- Esleipendun izatekotan, zerbitzua exekutatzeko erabiliko diren tresneriak eta ondare kontsumigarriek ingurumen kalitatea bermatzeko arauak beteko dituzte.

.....-n,-(e)ko,-aren-(e)(a)n

Sin.:

III. ERANSKINA

Pertsona juridikoen erantzukizunpeko adierazpena

(.....), IFZ (.....),
 (.....)ko (ahalordedun, zuzendari orokor, administratzaile
 bakarra) den aldetik, IFZ (.....), eta jakinarazpenak bidaltzeko helbidea
 (.....), zk. (.....), (PK.....), (Herria.....), kapitalak
 zuritzea eta terrorismoa finantzatzea prebenitzeko indarrean dagoen araudiak
 ezarritakoa betetzeko, honakoa

ZIURTATZEN DU

1 – Egiazkoak direla 10/2010 Legearen Erregelamenduaren 4. artikuluan ezarritako
 identifikazio formala egiteko aurkeztu diren agirietako datuak. Badago indarrean
 aurkeztutako informazio guztia:

BAI EZ

2 – Ordezkatzen duen sozietatearen jabetza edo kontrola egitura hauxe dela:

<input type="checkbox"/>	Ez dago bazkiderik / akziodunik % 25etik gorako partaidetza duenik.
<input type="checkbox"/>	Hauxe da % 25etik gorako partaidetza duten bazkideen / akziodunen zerrenda:

BAZKIDEAREN EDO AKZIODUNAREN IZEN OSOA	PF / PJ	IDENTIFIKAZIOA	NAZIONALITATEA	PARTAIDETZA (%)

PF: pertsona fisikoa / PJ: pertsona juridikoa

3 – Azken finean, kapitalaren % 25etik gorako portzentajea edo ordezkatzen duan
 pertsona juridikoaren boto-eskubideak dituzten edo kontrolatzen dituzten, zuzenean
 edo zeharka, pertsona fisikoak, edo estatutu-akordio edo xedapenen bidez edo beste
 bitarteko batzuen bidez pertsona juridikoaren kudeaketa, zuzenean edo zeharka,
 kontrolatzen dutenak honako hauek direla:

<input type="checkbox"/>	Ez dago pertsona fisikorik kapitalaren % 25etik gorako portzentajea edo ordezkatzen duan pertsona juridikoaren boto-eskubideak dituenik edo kontrolatzen dituztenik, zuzenean edo zeharka, edo beste bitarteko batzuen
--------------------------	------------------------------------------------------------------------------------------------------------------------------------------------------------------------------------------------------------------------



bidez enpresa horren kudeaketa, zuzenean edo zeharka, kontrolatzen duenik.

Hurrengo hauek:

TITULAR ERREALAREN IZEN OSOA	IDENTIFIKAZIOA	NAZIONALITATEA	KONTROLA (%)

4 – Administratzaile gisa jarduten dutela Patronatuko kideek (fundazioetarako) edo zuzendaritza-batzordeko kideek (elkarteetarako):

ADMINISTRATZAILEAREN IZENA	PF / PJ	IDENTIFIKAZIOA	NAZIONALITATEA

Lehen aipatutako administratzaile, patronatuko kide edo zuzendaritza-batzordeko kideren bat pertsona juridikoa izanez gero, adierazi pertsona juridikoaren administratzaileak izendatutako pertsona fisikoaren izena:

SOZIJETATEA	ADMINISTRATZAILEAREN IZENA	IDENTIFIKAZIOA	NAZIONALITATEA

Eta horrela jasota gera dadin, eta dagozkion ondoreetarako, honakoa egiten dut.

.....-n,-(e)ko,-aren-(e)(a)n